



Stručna služba općinskog vijeća i općinskog načelnika

Broj: 01/1-02-2176/18  
Ilijaš, 27.09.2018. godine

**PRIJEDLOG**

### ZAPISNIK

sa 23. (dvadesettreće) sjednice Općinskog vijeća Ilijaš, održane dana 27.09.2018. godine, sa početkom u 10:00h.

Dvadesettrećom sjednicom Općinskog vijeća Ilijaš predsjedavao je zamjenik predsjedavajućeg g-din Alen Hasković.

Prisutni vijećnici:

RB.	IME I PREZIME
	SDA
1	MAHIR DEVIĆ
2	ANEL BUMBULOVIĆ
3	MUAMER DERVIŠEVIĆ
4	ALMA OMERović
5	MEHMED SINANOVIĆ
6	ADEM ALIĆ
7	FAHIR HASANOVIĆ
8	SEMIR DEDIĆ
9	HALID DIZDAREVIĆ
10	RASIM ŠEHIĆ
12	MELISA MATORUGA
13	ALEN HASKOVIĆ
14	SEAD ŠEHIĆ
	SDP
15	ALAN ŠERAK
16	-
17	MIRSAD OSMANOVIĆ
	SBB-FAHRUDIN RADONČIĆ
18	-
	BPS-SEFER HALILOVIĆ
19	MUHAMED HANDŽIĆ
20	ALMIR ŠPIODIĆ
	GS
21	EDHEM HASANOVIĆ
22	-
	SAMOSTALNI VIJEĆNIK
23	SEMIR DIZDAREVIĆ
	LDS
24	MEHO DŽINDO
	STRANKA ZA SREDNJE
25	-

**Odsutni vijećnici:**

1. Damir Filipović
2. Akif Bešlija
3. Asim Mujić i
4. Besim Gljiva

**Prisutni gosti:**

1. TV Vogošća
2. Radio Ilijaš-Nermina Durić-Kahvedžić
3. Mirsad Balta – predsjednik savjeta MZ Kamenica
4. Mehmed Smajlović – predsjednika savjeta MZ Mrakovo
5. Alen Matoruga – predsjednik savjeta MZ Misoča

**Ostali prisutni:**

1. Meliha Avdibegović – pomoćnik načelnika
2. Sadeta Brkić – pomoćnik načelnika
3. Nijaz Spahić – pomoćnik načelnika
4. Zdravko Barić – pomoćnik načelnika
5. Merima Osmanović – pomoćnik načelnika
6. Ilda Kahrman – sekretar OV-a Ilijaš
7. Enisa Mešetović – stručni saradnik za obrazovanje, pitanje mladih i NVO sektor i
8. Nermina Lemezan - stručni saradnik za informacije
9. Jasmin Šuvalija – šef Operativnog centra i koordinator za deminiranje
10. Đenan Suša – IT administrator
11. Maida Habibović – zapisničar.

**ALEN HASKOVIĆ – zamjenik predsjedavajućeg**

Otvorio je sjednicu i konstatovao da je prisutno 20 vijećnika.  
Zatim je dao na razmatranje zapisnik sa 22. sjednice OV-a.

Primjedbi na zapisnik nije bilo, pa je Općinsko vijeće jednoglasno usvojilo zapisnik sa 22. sjednice OV-a Ilijaš.

Konstatovao je da je predlagач povukao 10. i 11. tačku predloženog dnevnog reda, te je isti pročitao i dao na razmatranje.

Primjedbi i prijedloga na predloženi dnevni red nije bilo, pa je OV-e jednoglasno usvojilo slijedeći

**DNEVNI RED**

1. Vijećnička pitanja i inicijative
2. Izvještaj o realizaciji zaključaka sa 22. sjednice
3. Izvještaj o izvršenju Budžeta općine Ilijaš za period 01.01.2018.-30.06.2018. godine
4. Prijedlog Odluke o izmjeni Odluke o utvrđivanju cijene komunalne usluge – tržno – pijačnih usluga
5. Prijedlog Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj 2018/2019. godini

6. Prijedlog Plana stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2018/2019. godini
7. Prijedlog Odluke o načinu i uslovima prodaje neizgrađenog građevinskog zemljišta (k.č.br.294/17)
8. Prijedlog Odluke o načinu i uslovima prodaje neizgrađenog građevinskog zemljišta (k.č.br.1726/2)
9. Prijedlog Odluke o načinu i uslovima prodaje neizgrađenog građevinskog zemljišta (k.č.br.396/34)
10. Prijedlog rješenja iz imovinsko-pravne oblasti:
  - a) broj:06/1-31-2283/18
  - b) broj:06/1-31-2498/18
  - c) broj:06/1-31-3127/18
11. Izvještaj o procjenjenoj šteti na dijelu općine Ilijaš prouzrokovanoj poplavama
12. Nacrt Pravilnika o uvjetima, načinu i postupku dodjele sredstava iz transfera za mobilnost mladih Općine Ilijaš.

#### AD-1

#### Vijećnička pitanja i inicijative

**ALMIR ŠPIODIĆ – vijećnik BPS-Sefer Halilović**

**Pitanje:**

U kojoj je fazi realizacija Zaključka sa 19. sjednice OV-a, koja je održana dana 26.04.2018. godine, a Zaključak se odnosi na postavljanje ledene plohe u Ilijašu?

**Obrazloženje:**

S ciljem unaprijeđenja društvenog i sportskog sadržaja u zimskom periodu predložio sam da JU "KSC i Radio Ilijaš" u svoj Plan rada za 2018. godinu uvrste i postavljanje ledene plohe u užem jezgru grada Ilijaša.

Prijedlog je usvojilo OV-e jednoglasno sa Zaključkom:

"Zadužuje se menadžment JU "KSC i Radio Ilijaš" da u zimskom periodu obezbijedi postavljanje ledene plohe u gradu Ilijašu.

**SEMIR DIZDAREVIĆ – nezavisni vijećnik**

**Inicijativa:**

1. Pokrećem inicijativu da se u Gornjoj Misoči od kuće Seje Bilala prema naselju Katane, izvrši popravak napojnih kablova i time osposobi ulična rasvjeta.

**Obrazloženje:** Nakon velikog nevremena koje se desilo 06.08.2018. godine, a za koje je proglašeno stanje prirodne i druge nesreće, došlo je do loma drveta čije su grane pokidale električne instalacije (kablove) ulične rasvjete. Od tada, pa do danas, to nije popravljeno. Molim da nadležna služba reaguje što je prije moguće i da se izvrši popravak pomenutog.

**Pitanja:**

1. Imaju li nadležne Općinske službe informacije vezano za azil pasa u Mrakovu?

**Obrazloženje:**

Stanovnici MZ Mrakovo su me zamolili da uputim ovo pitanje, jer stanovnici imaju problem sa tim improviziranim azilom. Širi se nenasnosan smrad naseljem, naveče je bučno pa

stanovnici ne mogu spavati, a pored svega toga par puta se dešavalo da ti psi pobjegnu iz tog azila. Desilo se i to da su psi iz tog azila napadali djecu o čemu ima i policijski zapisnik. Navodno su stanovnici uputili peticiju prema predsjedniku mjesne zajednice gosp. Mehmedu Smajloviću.

Molim za informaciju da li je iko išta poduzeo po ovom pitanju?

2. Zbog čega pri zamjeni ulične rasvjete na području MZ Misoča nije izvršena zamjenu u naselju Dedići?

Obrazloženje: Kada je nedavno vršena izmjena ulične rasvjete u Misoči, opet su radovi u Dedićima izostavljeni. U Dedićima se čak nije popravila stara ulična rasvjeta iako sam ja uputio inicijativu 30.11.2017. godine.

Molim da se ovaj problem u Dedićima riješi, a ako ništa, da se trenutna rasvjeta popravi, a najbolje bi bilo da se zamijeni novom rasvjetom ako je moguće.

Prilog: Vijećnička inicijativa od 30.11.2017. godine

3. Molim Službu za saobraćaj, stambeno-komunalne poslove i građenje da mi odgovori na par pitanja o svojim aktivnostima na području MZ Misoča, naselje Dedići, a vezano za moja pitanja i inicijative sa 14. sjednice Općinskog vijeća održane dana 30.11.2017. godine.

Obrazloženje: Na pomenutoj sjednici sam uputio par pitanja i inicijativa vezano za naselje Dedići u Gornjoj Misoči.

Pitanja su bila:

- Da li je u planu postavljanje cijevi u potok kod mjesta Zagonica u naselju Dedići?
- Da li je u planu rekonstrukcija i obnova puta za naselje Dedići?
- Postoji li mogućnost uklanjanja ruševnih objekata koji se nalaze duž puta prema naselju Dedići?

Na svako od ovih pitanja dobio sam isti odgovor: "U 2018. godini služba će izaći na pomenutu lokaciju, te za postavljanje cijevi u potok – sačiniti predračun, razmotriti opravdanost realizacije, za rekonstrukciju puta sačiniti predračun, te pokušati rekonstruisati put, utvrditi činjenično stanje i u skladu sa Zakonom pokrenuti postupak".

Molim da mi se dostavi informacija da li je do danas Služba izlazila na pomenutu lokaciju? Ako jeste, da mi se dostave zapisnici sa izlaska na teren, datum kada su bili na pomenutoj lokaciji? Ko je bio prisutan ispred Službe i šta je Služba utvrdila? Hoće li išta rješavati po ovim pitanjima? Hoće li se išta od ovih radova planirati za Budžet 2019. godine? Ako nije, zbog čega nije, jer je prošlo skoro godinu dana od mojih pitanja i vaših odgovora i ako niste izlazili na lice mjesta, zahtijevam hitan izlazak Službe, a najkasnije do naredne sjednice Općinskog vijeća?!

U prilogu ovog pitanja dostavljam vam kopiju mojih pitanja upućenih na 14. sjednici Općinskog vijeća kao i vaše odgovore koji su došli uz materijale za 15. sjednicu OV-a. U svakom slučaju očekujem pismeni odgovor.

ADEM ALIĆ – vijećnik SDA

Inicijative:

1. Pokrećem inicijativu prema Direkciji za ceste Kantona Sarajevo, da se na krivini u Popovićima i Glavici - Salkanov Han postavi zaštitna ograda.

**Obrazloženje:** Na navedenim dionicama u toku zime, pogotovo kada je snijeg i poledica, te mokar put, postoji stalna opasnost od slijetanja sa tog puta, gdje se ugrožava život građana i djece na navedenom području.

2. Pokrećem inicijativu prema Službi za društvene djelatnosti i poslove mjesnih zajednica da se na kantonalnoj autobuskoj liniji Ilijaš-Popovići za termine 17:40h i 18:40h organizuje prevoz većim autobusima.

**Obrazloženje:** U navedenim terminima dolazi do pojačanog korištenja autobuskog prevoza na navedenoj liniji, te usljed toga dolazi do prenatrpanosti autobusa i velikih gužvi. Sada se prijevoz organizuje malim autobusom, a istim se prevoze građani i učenici.

#### **MEHO DŽINDO – vijećnik LDS-a**

##### **Inicijative:**

1. Pokrećem inicijativu prema nadležnom ministarstvu Kantona Sarajevo da se postave ogledala za regulisanje saobraćaja na raskrsnici Novo Naselje-Gornje Mrakovo.
2. Pokrećem inicijativu da se postave dva kontejnera za odlaganje smeća na relaciji raskrsnica Haluge-put za Čuture i raskrsnici Haluge-Donje Mrakovo.

#### **RASIM ŠEHIĆ – vijećnik SDA**

##### **Inicijativa:**

1. Pokrećem inicijativu prema Direkciji za ceste Kantona Sarajevo da izvrši sanaciju puta na relaciji Nišići-Rakov Kamen u MZ Kamenica (Crna Rijeka).

**Obrazloženje:** Na pomenutom putu koji je u nadležnosti Direkcije za ceste Kantona Sarajevo, već duži vremenski period pojavila su se oštećenja koja je neophodno blagovremeno sanirati kako se ista ne bi proširila i tako nastala još veća šteta za čiju sanaciju će biti potrebna znatno veća materijalna sredstva. S tim u vezi, nadam se blagovremenoj reakciji nadležne direkcije.

#### **ANEL BUMBULOVIĆ – vijećnik SDA**

##### **Pitanje:**

1. Upućujem pitanje Direkciji za ceste Kantona Sarajevo, u kojoj fazi se nalazi projekat postavljanja horizontalnih usporivača saobraćaja u naselju Podlugovi na dionici regionalne ceste između pružnog prelaza i raskrsnice prema Brezi?

**Obrazloženje:** Na jednoj od prethodnih sjednica OV-a pokrenuta je inicijativa za postavljanje horizontalnih usporivača saobraćaja (tzv. ležećih policajaca) na navedenoj lokaciji, te smo dobili odgovor da je u toku priprema dokumentacije. Moram još jednom napomenuti da se na navedenoj dionici puta svakodnevno kreće veliki broj učenika iz naselja Ljubnići, obala Bosne i INA-Makljen prema Osnovnoj školi "Podlugovi". Zato vas molim, nemojte dozvoliti da se desi neka nesreća, nego djelujte preventivno.

##### **Inicijativa:**

1. Pokrećem inicijativu prema nadležnim općinskim službama za postavljanje saobraćajnog ogledala na dionici lokalnog puta u Podlugovima (između pružnog prelaza pruge prema Brezi i uključenja na regionalnu cestu kod trgovine "Jabuka").

Obrazloženje: Na pomenutoj dionici lokalnog puta svakodnevno se kreće veliki broj automobila, pješaka i učenika, a zbog izgrađenih ograda i polažaja lokalnog puta vidljivost na toj dionici je slaba ili nikakva.

#### AD-2

##### Izveštaj o realizaciji zaključaka sa 22. sjednice

ALEN HASKOVIĆ – zamjenik predsjedavajućeg

Konstatovao je da na 22. sjednici OV-a nije bilo zaključaka.

#### AD-3

##### Izveštaj o izvršenju Budžeta općine Ilijaš za period 01.01.2018.-30.06.2018. godine

Kada je u pitanju prihodovna strana budžeta za izvještajni period Budžet općine Ilijaš je ostvario 8.677.568,00 KM prihoda i primitka, što je u okviru planiranih vrijednosti 49 % od planiranih prihoda u Budžetu za 2018. godinu.

Što se tiče rashodovne strane za izvještajni period, ostvareni izdaci su iznosili 4.649.678,00 KM, što predstavlja 26 % od planiranih izdataka. Prema tome ostvaren je suficit u iznosu od 4.047.890,00 KM.

Obzirom da je izvještajni period i period kada se donosi Budžet, Operativni plan Načelnika kao i Plan javnih nabavki, kao i period kada se pokreću i provode Zakonske procedure za realizaciju projekata, pogotovo ZJN, razumljivo je da nismo imali značajnije realizacije kapitalnog dijela Budžeta. Ostvarivanjem zakonskih preduslova kao i sa nastupom građevinske sezone otpočela je i realizacija projekata planiranih kroz Budžet 2018. godine.

Porezni prihodi u izvještajnom periodu su ostvareni u iznosu od 5.637.100,00 KM ili 40 % Radi se o prihodima po osnovu poreza na prihod od imovine i imovinskih prava, poreza na nepokretnosti i prava, prihodi po osnovu indirektnih poreza, porez na dohodak i ostali porezi.

Kada se tiče neporeznih prihoda, u odnosu na ukupne prihode su ostvareni u procentu od 42 % ili 2.600.500,00 KM.

Tekući transfer od Federacije su iznosili 150.000,00 KM.

Tekući transferi od KS su ostvareni u iznosu od 335.952,00 KM što u odnosu na plan i predstavlja izvršenje od 49 %, a odnose na prvenstveno na sredstva po osnovu Zakona o dopunskim pravima boraca i prevoza učenika.

Prihodi od donacija iznose 126.750,00 KM ili 362 % u odnosu na plan a odnose se na (učešće građana u realizaciji infrastrukturnih projekata kao i JU "Zaštićena područja za realizaciju projekata na području Bijambara.)

Tekući transferi od ostalih nivoa vlasti su ostvareni u iznosu od 2.089.829,00 KM što predstavlja 45% od ukupno planiranih a detaljno su dati kroz izvještaj od kojih izdvajamo: kapitalni transfer od države Bosne i Hercegovine u iznosu od 100.000,00 KM za opremanje industrijske zone Luka Ilijaš, Kapitalni transferi od KS i to Ministarstva privrede za realizaciju projekata: Rješavanje imovinsko pravnih odnosa u Industrijskoj zoni Luka Ilijaš i sufinansiranje projekata uređenja industrijskih zona, zatim sredstva za uređenje korita rijeke Misoče u naseljima Misoča i Mlini, Sredstva Ministarstva obrazovanja, nauke i



mladih Kantona Sarajevo za izgradnju fiskulturne sale OŠ Hašim Spahić u Ilijašu i objekta područne škole u Bioči, Kantonalne uprave za šumarstvo za rekonstrukciju putnih pravaca u zoni šumskog zemljišta kao i Ministarstva komunalne privrede i infrastrukture za rekonstrukciju gradske vodovodne i kanalizacione mreže i filter postrojenja Karašnica.

Kada je u pitanju rashodovna strana bruto plaće i naknade uposlenim izvršene su u iznosu od 891.544,00 KM i predstavlja 45 % od dok sredstva za naknade ostvarena u iznosu od 47%, a doprinosi na planiranom godišnjem nivou.

Izdaci za materijal i usluge izvršeni su u iznosu od 443.513,00 KM što je 39 % planiranih sredstava na godišnjem nivou.

Kada se tiče pozicije tekući transferi, evidentirani su izdaci u iznosu od 1.068.806,00 KM što u odnosu na prošlu godinu uvećanje iznosi 11 %.

Kapitalni transferi i izdaci su ostvareni u iznosu od 2.154.031,00 KM što je 18 % od planiranog godišnjeg iznosa, kroz koje su realizovani brojni projekti i koji su detaljno prikazani kroz analitiku, a koji su omogućili rješavanje brojnih problema građana i koji doprinose poboljšanju uslova i ugodnijeg življenja u općini Ilijaš.

Budžetska rezerva planirana utrošena u iznosu od 7.400,00 KM i to za rješavanje stambenog zbrinjavanja.

**MUHAMED HANDŽIĆ – vijećnik BPS-Sefer Halilović**

Dat ću par komentara na realizaciju Budžeta, a oni se odnose ne realizaciju kapitalnih projekata. Ovo što nije realizovano odnosi se na kapitalne investicije. Dakle, mi imamo jedan problem, a to je problem ne samo općine Ilijaš, nego i svih drugih općina, a to je Zakon o javnim nabavkama i nama je to jasno. Međutim, imamo sredstava u Budžetu koja smo prenijeli iz prethodne godine cca 2 mil. KM, a takođe imamo projekata koje smo prenijeli iz prethodne godine za ovu godinu i nije mi jasno da nismo se mogli baviti bar tim projektima koje smo prenijeli iz prethodne godine do raspisivanja tendera za određene projekte u ovoj godini. Evo, izvođači radova na našim kapitalnim projektima ili nemaju kapaciteta ili iz nekih drugih razloga ne mogu da stignu da urade ono što smo mi sve planirali uraditi u godišnjem periodu. Evo deveti je mjesec, ulazimo u fazu izgradnje, a navodim primjer utopljavanja zgrade škole u Bioči i prinuđeni smo da direktor organizuje prevoz učenika iz Bioče u Osnovnu školu "Stari Ilijaš" da bi izvođač radova završio u nekom predviđenom roku utopljavanje tog objekta. Znači, krivi su, isključivo, Zakon o javnim nabavkama, raspisivanje tendera, javljanje određenih izvođača na tendere i dok se sve te procedure provedu, mi odosmo u zimu. Ne znam šta možemo uraditi po ovom pitanju, ali je bitno da bar pokušamo da napomenemo da se radi što se može uraditi prije i da ne ulazimo svake godinu u zimu sa izgradnjom npr. puteva, pa kasnije tražimo razlog zašto je neka dionica ne kvalitetno urađena itd. Znači, imamo na stotine primjedbi, ali ne poduzimamo ništa. To je ono što sam primjetio kao konstatacija ili razlog zbog čega nismo realizovali više od 25% Budžeta u nekom proteklom periodu. Takođe, možda možemo ovo uraditi, a to je da obavežemo izvođače radova da plaćaju tzv. "penale" ako u roku ne urade niki od projekata koji su već uzeli. Mogu se desiti i opravdani razlozi, kao što su bile elementarne nepogode, ali ima dosta toga što je do samih izvođača.

**MAHIR DEVIĆ – predsjedavajući**

Sa najvećim dijelom ove diskusije bih se složio, s tim da mi objektivno imamo nekoliko okolnosti koje su dovele do ovoga. Prvo, ovo je izvještajni period do šestog mjeseca, a naravno do tada nije bila neka značajna realizacija Budžeta i mislim da je sada ta realizacije Budžeta cca 70%. Slažem se sa ovim što se tiče izvođača, imamo Zakon o

javnim nabavkama koji nam je "kamen oko vrata", imali smo ovu kišovitu godinu, a želim reći da smo ostali na istom kapacitetu ljudi u ovom organu koji su nekada imali Budžet od 5 miliona, a sada je on 17-18 miliona. Oni ovdje odrade najveći dio posla. Sreća je što smo mi kao Vijeće usvojili odmah Budžet, pa na vrijeme krenuli u te procedure, a zamislite samo varijantu da smo išli na Odluku o privremenom finansiranju, pa da smo Budžet usvajali u martu, to bi daleko gore bilo. Moram reći da postoji problem i u procedurama, odnosima općina-Kanton, dok se sve to potpiše itd. I ja sam mislio da neke stvari mogu brže ići, bar kada su u pitanju ove škole, ali objektivna je priča da to ne može.

Cijenim da ćemo mi, kao Vijeće, trebati kroz Budžet za 2019. godinu podvući jednu liniju i da ove sve neke stvari koje prenosimo, ne idemo dalje dok sve ovo ne završimo u 2019. godini i odredit se o npr. pet jako važnih kapitalnih projekata tipa stadion u Ilijašu, a evo danas je završen tender za dionicu puta Malešći-Stari Ilijaš i sada je dilema da li početi sa radovima ili ne. Po mom mišljenju, možda je bolje ne početi, jer idemo u zimski period. Svakako treba poraditi na efikasnosti.

Diskutanata po ovoj tački dnevnog reda više nije bilo, pa je OV-e jednoglasno usvojilo

Izveštaj o izvršenju Budžeta općine Ilijaš za period 01.01.2018.-30.06.2018. godine

AD-4

Prijedlog Odluke o izmjeni Odluke o utvrđivanju cijene komunalne usluge – tržno – pijačnih usluga

MUHAMED HANDŽIĆ – vijećnik BPS-Sefer Halilović

Mislim da predložena izmjena cijena neće poboljšati stanje na tržnici i da je ona jako mala. Dakle, predlažem da ova izmjena bude bar 50% od ove cijene kako bi mi donekle obezbjedili našim građanima koji imaju potrebu da prodaju svoje proizvode na pijaci da oni to prodaju po nekim normalnim cijenama. Svi mi koristimo pijacu subotom i vidimo da su nekada u TC "Bingo" niže cijene npr. Voća od same pijace. Razlog je što ljudi moraju platiti ovu rezervaciju ili korištenje stola. Mislim da naše javno preduzeće neće "hajrovati" od ovih predloženih cijena ili kao što su bile i predlažem da ove cijene budu bar 50% manje od ove koje su već do sada važile i da usvojimo takve cijene za korištenje usluga pijace.

MAHIR DEVIĆ - predsjedavajući

Predlažem da ovo vratimo da doradu, neka se vidi šta je ekonomska opravdanost, da ne bi išli sada paušalno, jer ako kažemo 50% bojim se da ćemo ugroziti sistem. Znači, da vratimo ovaj materijal na doradu i da se razmotri da li postoji mogućnost da se to još smanji.

MUHAMED HANDŽIĆ – vijećnik BPS-Se

Slažem se i mislim da je ovo sada najgora ekonomske opravdanost, jer kada prođemo pored tržnice sada ona zjapi prazna, nikoga tamo nema, a vjerovatno iz razloga što su cijene korištenja tih kapaciteta jako visoke.

MAHIR DEVIĆ – predsjedavajući

Predlažem Zaključak kojim zadužujemo Skupštinu i menadžment JKP "Vodostan" d.o.o.



Ilijaš, da još jednom razmotri ekonomsku opravdanost izmjene važećeg cjenovnika tržišno-pijačnih usluga u smislu da se snizi cijena istog, zbog stimulacije, odnosno podsticaja naših poljoprivrednih proizvođača.

**MIRSAD OSMANOVIĆ – vijećnik SDP-a**

Slažem se sa kolegama, ali ako mislimo rješavati ovaj problem s akcentom na poljoprivredne proizvođače sa općine Ilijaš, trebao bi se uključiti općinski organ, jer znate da imamo Pravilnik o subvencijama za poljoprivredu. Možda jedino kvalitetno rješenje Skupština i naše društvo i poticaji tj. dio podsticaja preusmjeriti radi ekonomske opravdanosti i funkcionisanja pijace.

**MAHIR DEVIĆ – predsjedavajući**

Mislim da je ovo izuzetno kratak period za neke ozbiljnije zaključke, jer pijaca je otvorena u proljeće i to je tek krenulo i mi mi trebali imati bar jednu godinu tog finansijskog kretanja da vidimo šta troškovi te pijace, koliko oni iznose i koliko je pijačnih usluga naplaćeno. Ne možemo mi praviti situaciju da ovo naše preduzeće vodimo u dubiozu, ali možemo zauzeti stav, kao Vijeće, da nećemo nešto posebno na tome zarađivati, a u cilju podsticaja poljoprivrednih proizvođača.

Neka se ovaj materijal još malo pripremi i možda na iduću sjednicu pozvati i direktoricu ovog našeg javnog preduzeća da nam objasni ekonomske parametre do sada i da vidimo šta možemo uraditi. Znači, da malo šire prodiskutujemo i iz tog razloga da to vratimo na doradu Skupštini i direktorici.

**ALEN HASKOVIĆ – zamjenik predsjedavajućeg**

Konstatovao je da se odgađa izjašnjavanje po navedenoj tački dnevnog reda i dao na glasanje predloženi zaključak.

Općinsko vijeće je jednoglasno donijelo slijedeći

## **ZAKLJUČAK**

Zadužuje se Skupština i menadžment JKP "Vodostan" d.o.o. Ilijaš, da još jednom razmotri ekonomsku opravdanost izmjene važećeg cjenovnika tržišno-pijačnih usluga u smislu da se snizi cijena istog, zbog stimulacije, odnosno podsticaja naših poljoprivrednih proizvođača.

## **AD-5**

**Prijedlog Plana stipendiranja izuzetno nadarenih učenika u srednjem i studenata u visokoškolskom obrazovanju u školskoj 2018/2019. godini**

**MUHAMED HANDŽIĆ – vijećnik BPS-Sefer Halilović**

Nemam primjedbi na predloženi Plan, ali imam prijedlog za budući Plan i naredni Budžet, ne samo nadarenih učenika, nego i učenika kompletne boračke populacije. Ne možemo vršiti selekciju djece, da li ima učenik ima odličan uspjeh, vrlo dobar, dobar ili dovoljan, ali predlažem da se boračkim udruženjima smanji finansiranje (ne znam na koji način), a da se stipendiraju svi učenici iz boračke kategorije.

Diskutanta po ovoj tački dnevnog reda više nije bilo, pa je OV-e jednoglasno usvojilo

Plan stipendiranja izuzetno nadarenih učenika u srednjem i studenata u visokoškolskom obrazovanju u školskoj 2018/2019. godini

**AD-6**

Prijedlog Plana stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2018/2019. godini

Diskutanata po ovoj tački dnevnog reda nije bilo, pa je OV-e jednoglasno donijelo

Plan stipendiranja učenika u srednjem i studenata u visokoškolskom obrazovanju u stanju socijalne potrebe u školskoj 2018/2019. godini

**AD-7**

Prijedlog Odluke o načinu i uslovima prodaje neizgrađenog građevinskog zemljišta (k.č.br.294/17)

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o načinu i uslovima prodaje neizgrađenog građevinskog zemljišta (k.č.br.294/17)

**AD-8**

Prijedlog Odluke o načinu i uslovima prodaje neizgrađenog građevinskog zemljišta (k.č.br.1726/2)

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o načinu i uslovima prodaje neizgrađenog građevinskog zemljišta

**AD-9**

Prijedlog Odluke o načinu i uslovima prodaje neizgrađenog građevinskog zemljišta (k.č.br.396/34)

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o načinu i uslovima prodaje neizgrađenog građevinskog zemljišta (k.č.br.396/34)

**AD-10**

Prijedlog rješenja iz imovinsko-pravne oblasti:

- a) broj:06/1-31-2283/18
- b) broj:06/1-31-2498/18
- c) broj:06/1-31-3127/18

Diskutanata po ovoj tački dnevnog reda nije bilo, pa je OV-e jednoglasno donijelo

Rješenja iz imovinsko-pravne oblasti pod:

- a) broj:06/1-31-2283/18
- b) broj:06/1-31-2498/18 i
- c) broj:06/1-31-3127/18

#### **AD-11**

Izvještaj o procjenjenoj šteti na dijelu općine Ilijaš prouzrokovanoj poplavama

Diskutanata po ovoj tački dnevnog reda nije bilo, pa je OV-e jednoglasno usvojilo

Izvještaj o procjenjenoj šteti na dijelu općine Ilijaš prouzrokovanoj poplavama

#### **AD-12**

Nacrt Pravilnika o uvjetima, načinu i postupku dodjele sredstava iz transfera za mobilnost mladih Općine Ilijaš.

Diskutanata po ovoj tački dnevnog reda nije bilo, pa je OV-e jednoglasno donijelo

### **ZAKLJUČAK**

#### **Član 1.**

Utvrđuje se Nacrt Pravilnika o uvjetima, načinu i postupku dodjele sredstava iz transfera za mobilnost mladih općine Ilijaš i stavlja na javnu raspravu.

#### **Član 2.**

Nacrt Pravilnika o uvjetima, načinu i postupku dodjele sredstava iz transfera za mobilnost mladih općine Ilijaš stavlja se na javnu raspravu, kako slijedi:

- objavom putem web stranice općine Ilijaš
- objavom na oglasnoj ploči općine Ilijaš
- dostavljanjem na e-mail adrese osnovnih, srednjih škola i omladinskih udruženja
- javnim uvidom u maloj sali općine Ilijaš (zgrada općine-drugi sprat).

U javnoj raspravi učestvovat će: političke stranke, omladinska udruženja, Vijeća učenika osnovnih i srednjih škola i ostale asocijacije i udruženja građana.

#### **Član 3.**

Javna rasprava o Nacrtu Pravilnika o uvjetima, načinu i postupku dodjele sredstava iz transfera za mobilnost mladih općine Ilijaš se određuje u trajanju od 30 dana, počev od 01.10.2018. godine do 30.10.2018. godine.

#### **Član 4.**

Nakon provedene javne rasprave zainteresovani subjekti mogu dostaviti primjedbe i prijedloge Službi za društvene djelatnosti i poslove mjesnih zajednica u pisanoj formi ili putem e-maila: [drustvenedjelatnosti@ilijas.ba](mailto:drustvenedjelatnosti@ilijas.ba), najkasnije do 31.10.2018. godine do 15:00 sati.

Primjedbe i prijedlozi dostavljeni poslije navedenog roka neće biti uzeti u razmatranje.

#### **Član 5.**

Ovaj Zaključak stupa na snagu danom donošenja.

Nakon što je iscrpljen dnevni red, zamjenik predsjedavajućeg Alen Hasković zaključio je dvadesettreću sjednicu OV-a Ilijaš u 11:00h.

Zapisničar:  
Maida Habibović

ZAMJENIK PREDSJEDAVAJUĆEG  
OPĆINSKOG VIJEĆA ILIJAŠ

---

Alen Hasković, MA šum.

\*\*\*\*\*

Ul. 126. Ilijaške brigade br. 6, 71380 Ilijaš  
Tel. ++387 33 580-620, 580-698, fax. 400-505,  
Transakcijski račun kod VAKUFSKE BANKE, d.d. Sarajevo: 1602000000710645  
e-mail [ov@ilijas.ba](mailto:ov@ilijas.ba)  
Broj certifikata: 20938

